

六十種曲

歌
子
聲
船

PDG


六十種曲

(十)

毛
晉編



20916041



916041

PDG

繡刻雙烈

記定本

(本書係用開明書店原版重印)

六 十 種 曲 (第十冊)

灌園記 種玉記 雙烈記

獅吼記 義俠記

[明]毛 晉 編

中 華 書 局 出 版

(北京王府井大街 36 號)

新華書店北京發行所發行

北京第二新華印刷廠印刷

787×1092 毫米 1/32·15¹/₂·印張·211 千字

1958 年 5 月第 1 版 1982 年 8 月北京第 2 次印刷

印數 1,101—9,100 冊

統一書號: 10018·47 定價: 1.95 元

目錄

- | | |
|------|----|
| 第一齣 | 開宗 |
| 第二齣 | 訪道 |
| 第三齣 | 引狎 |
| 第四齣 | 推詳 |
| 第五齣 | 妄尊 |
| 第六齣 | 抒悃 |
| 第七齣 | 抵寓 |
| 第八齣 | 代役 |
| 第九齣 | 應募 |
| 第十齣 | 勉承 |
| 第十一齣 | 奇遇 |

第十二齣 就婚

第十三齣 計遣

第十四齣 惜別

第十五齣 受職

第十六齣 從征

第十七齣 滅醜

第十八齣 酬功

第十九齣 得嗣

第二十齣 決計

第二十一齣 乞恩

第二十二齣 寵錫

第二十三齣 道逢

第二十四齣 鋤逆

第二十五齣 歸省

第二十六齣 策勳

第二十七齣 虜驕

第二十八齣 家慶

第二十九齣 計定

第三十齣 寇逸

第三十一齣 女戎

第三十二齣 曾困

第三十三齣 曾伏

第三十四齣 獻計

第三十五齣 虜遁

第三十六齣 褒功

第三十七齣 忠陷

第三十八齣 辨冤

第三十九齣 決疑

第四十齣 乞休

第四十一齣 修齋

第四十二齣 行遊

第四十三齣 寫意

第四十四齣 策封

雙烈記

明 張四維 著

第一齣 開宗

〔青玉案〕人生南北如岐路。世事悠悠等飛絮。造化小兒無定據。翻來覆去。倒橫直豎。眼見都如許。伊周事業何須數。不學淵明便歸去。坎止流行隨所寓。玉堂金馬。竹籬茅舍。總是無心處。〔問答照常〕

〔望海潮〕英武韓公。賢哉梁國。軍門一見稱奇。甘露定盟。歸來告母。新正得效于飛。討方臘清溪。斬苗劉行在。功業崔嵬。駐旆金山。黃天蕩裏困酋夷。金兵夜遁。誰知有夫人効奏。夫失兵機。聖主玉音嘉獎。誥封兩國應希。斥秦檜奸私。見忠良莫救。解組恬歸。十載西湖烟水。今古羨知幾。

梁夫人佳配潤州城。

宋高宗復辟臨安府。

金兀朮鑿河走建康。

韓蘄王受爵封茅土。

第二齣 訪道

〔瑞鶴仙〕〔生扮韓世忠上〕少負屠龍志。想伊周功業。丈夫餘事。蒼天苦何意。使英雄困屈。半生淹滯。袖中三尺劍。嘆空自光芒貫日。偷一時離匣。風馳電掣。掃除妖魅。燕臺一望。客心驚。簫鼓喧喧。漢將營。恨切兩宮居朔漠。忍教大駕走神京。敢將長劍撐寰宇。欲挽天河洗甲兵。年少雖非投筆吏。論功還擬請長纓。韓世忠。字良臣。陝西延安人也。七尺身軀。風骨偉岸。千斤臂力。驚悍標雄。射能洞貫穿楊。騎善飛身跳澗。家世本夷原。忝托列侯之苗裔。功名期竹帛。敢恢百二之山河。不幸雙親早喪。事業蹉跎。四海無家。江湖落魄。正是心丹徒切國家憂。時乖未遂。男兒願。今當兵戈擾攘之際。正男兒立志之秋。作者三陽縣張俊。英偉不羣。武藝出衆。頗非凡流。相約往江南投軍。不免在家相候。道猶未了。那壁廂張伯英早到。

〔西地錦〕〔小生扮張俊上〕燕市朝隨俠士。秦樓夜宿娼兒。生平未識家人事。丈夫立志誰知。自家張俊。字伯英。秦州三陽縣人氏。因善騎射。本州僉爲弓箭戶。雖是家業貧窘。頗有韜略隨身。昨與延安韓良臣相約江南投軍。不免同去走遭。此間已是。呀。韓兄拜揖。昨有所約。幸

望見攜〔生〕所約已定。更有一事要先行。終南山有一隱士。年高德劭。時望所尊。人皆稱爲陳公。你我身爲功名。到彼請教可否何如。〔小生〕既有高人在彼。正宜請教。就此同行。欲投郊外栖雲嶺。離卻城東舊草堂。〔生〕爲訪高明同到此。休論險峻陟山崗。此間已是他所。你看青山幾疊。綠水半灣。門掩長松。籬編修竹。是好奇勝也。待我叩門。有人在此麼。

〔前腔〕〔外扮隱者陳公上〕坵壑深山高隱。麻衣藿食隨時。封侯拜將他人事。嗟余骨相非宜。自家太虛道人陳公是也。甘投巖壑。不求名利。此間往來甚少。忽聞叩門。不知甚人到此。待我去看。〔外開門科〕呀。賢弟何來。〔生〕小弟久失奉候。特來拜問起居。〔外〕老夫亦嘗想念賢弟。今日下顧。良慰鄙懷。〔小生相見科〕老先生拜揖。〔外〕先生拜揖。賢弟。此位高姓。〔生〕此間乃秦州三陽縣張伯英名俊。韜略諳曉。弓馬熟閑。過衆不羣。當世名士。〔外〕久慕久慕。〔生〕告稟老先生得知。今國步多艱。羣寇四起。正大丈夫建勛業取功名之時。晚輩欲報效朝廷。不欲齷齪自守。未知可否。望公指教。〔外〕壯哉壯哉。桑弧蓬矢。以射四方。丈夫之事。今老弟當此青年。一身本事。又值國家用人之際。此時不去。卻不負卻平生。正宜乘此機會。斬戮鯨鯢。勒名鐘鼎。雖老夫樗朽。亦與有光。

〔生〕既蒙指教。深感厚恩。倘有寸進。定當圖報。〔外〕老弟此行。定有幾時相別。我牀頭松花酒熟。聊爲二位奉餞。溪雲野鶴二童那裏。〔丑淨扮二童上〕溪雲溪雲。癡癡真是無心。只會飽餐園睡。不慣寫字彈琴。〔淨〕野鶴野鶴。作伴青松最樂。不去海上蟠桃。只與師父焙脚。師父。喚我二人那壁廂使用。〔外〕有佳客在此。取松花酒山蔬來共酌。〔丑淨虛下〕理會得。〔復上〕饌羞野蕈盈盤美。酒釀松花撲鼻香。師父酒在此了。〔外〕老弟。此一杯酒。爲二位餞別。願此去掃蕩烟塵。取金印如斗懸肘後。吾之願也。張兄是客。先敬此一杯。

〔宜春令〕山河變。社稷危。正烽烟漫漫四迷。英豪雄偉。好將功業鳴當世。還須罄赤膽丹心。穩倩取金魚瑤珮。〔合〕休辭滿飲三杯。壯君行李。老弟請飲此杯。

〔前腔〕松花釀。桃枝杯。餞君行休悲路岐。兩般須記。蒙塵遷播朝廷恥。此臣子不共深讎。望英雄早行恢洗。〔合前生〕晚輩辱承指教。敢借佳釀。轉敬一杯。〔外〕不勞。

〔前腔〕〔生遞酒〕驅羊豎。屠狗兒。敢慚言胸藏豹鬯。我雖庸鄙。偷生坐視男兒恥。圖恢復舊日山河。要酬償此生忠義。〔合〕休辭轉敬三杯。暫酬佳意。〔小生〕小生

也借花獻佛。敬老先生一杯。

〔前腔〕時翻覆。人亂離。擾中原。漁陽鼓鼙。忍看狼狽。還須淨把妖氛洗。看此去不斬樓蘭。誓吾生不容人世。〔合前外〕二位幾時起程。〔生〕今日就行。〔外〕既是就行。老夫當遠送一程。〔生〕不敢遠勞。〔外〕定當少送。〔生〕如此多謝。

〔三學士〕〔外〕海角天涯。今日裏。風霜莫惜驅馳。五雲多處三台近。一劍贏他萬戶歸。此去功名成唾手。鱗鴻便莫寄遲。

〔前腔〕〔生小生〕攜卻輕裝離故里。淒淒行色堪悲。吳山楚水行應遍。嶺樹江雲路欲迷。若得功名能到手。鱗鴻信敢報遲。此間已是十里長亭了。再不敢遠勞。就此拜別。

〔外〕今日此別。會晤不知何日。老夫謾得口號二十八字。請收入行囊。留爲後會張本。〔外遞東讀科〕休嗟世路事多艱。良配奇助鐵瓷間。尋得藥苗歸鼎鼐。相逢話舊在湖山。〔生〕佳作晚輩不解其意。請爲講解。〔外〕此乃隨筆塗來。無甚說話。後日自知。不敢遠送。卽此作別。

〔尾聲〕〔生小生同揖〕河橋共灑離鄉淚。此去前程事未知。〔外〕管取勛名達帝

幾。

別君今日去天涯。

望望雲山路轉賒。

正是學成文武藝。

今朝貨與帝王家。

第二齣 引狎

〔行香子〕（老旦扮老鴇上）花月妖嬈。鸞鳳窩巢。擅京華歌舞聲高。進門那管村俗賢豪。但見撒能桶鏝好相交。（鷓鴣天）豔舞嬌歌出絳紗。黃金不惜教琵琶。尊前夜月恣歡笑。陌上春風競富華。人似玉。貌如花。盟山誓海作生涯。烟花寨裏沙叱利。名屬平康第一家。老身梁氏。東京教坊人也。隨駕南渡。僑居京口。親生一女。小字紅玉。真個是蓮臉星眸。蛾眉蟬鬢。窈窕身軀。溫柔情性。最善吹彈歌舞。更精翰墨丹青。一時豪貴英賢爭賞。無論京都遠近馳名。只是我那女兒別是一般行逕。全非門戶心情。不肯迎人接客。只願裙布荆釵。咳。卻是怎了。身邊又無三個兩個。並無別樣營生。終日拈作柶杖。教我怎去支撐。有個丫頭懷五。只是鞭杖兒相應。專會撒嬌使性。那管我債重家傾。不免叫丫頭勸他一勸。萬一轉念回心。烏龜受用不了。我的時運也通亨。不是要幹

這等醜態勾當。怎奈跳不出這火坑。丫頭那裏〔丑上〕

〔梨花兒〕羨奴羨奴生的來多容貌。小名兒喚做賽多嬌。人人見了我都道好。嗟。道我好似二郎廟裏母太保。我是院中行妓。聽說自家詳細。莫誇一貌傾城。青春纔五十有四。虧了些鉛粉胭脂塗抹。在臉上妝妖假媚。全憑粉絹油袖穿着。在人前扭身做勢。鰻魚脚兩隻尺二。水蛇腰一丈有二。黃頭髮梳不出高髻雲鬟。怪物臉那些個如花似玉。名色是個小娘。那裏曉得吹彈歌舞。百般技藝。歪筆頭撇幾枝墨蘭。強扭捏寫兩個歪字。嘴臉是有些兒懷五。論拿人手段。卻要算我是第一。有那等晦氣的妖兒。跌在我坑裏。扒攏不去。初相見密地裏與他偷情。他只道我喜歡他標致。第二日心心念念要來。枕席上與他個一夜不睡。摟抱他說盡衷腸。他就是張良諸葛。也信我是真情實意。纔出去就着後生去看他。送他個香囊汗巾。上寫着親夫情契。他接着勝似護身真符。恨不的一步兩步跨至我這裏。卻下手拿他。百般的心生巧計。紅馥馥燒個香疤。血滴滴賭個大誓。抓打招罵。動不動撻酸。行走坐臥。先不先喫醋。今日郊外游山。明日家中作戲。纏的他腦悶頭昏。那怕他聰明伶俐。假說某相公送了五十兩白銀。又道是汪朝奉強要歇可也沒趣。對着他

眼淚汪汪。似這等不得自在好氣。你不如包我一年半。咱兩個坐臥雙雙。卻不爽俐。包宿歇錢。只是本等。全靠派差纔有生意。買衣服試個水頭。做生日上頭也是小事。上手就要小娘。還要他蓋房置地。不怕他着斗量金。不上一年二年了。繫無錢我就無情。另尋個有錢的利市。殺人不斬眼纔高。黏牙搭齒不濟。人道我是油鬚髻的魔王。真個是粉骷髏的太歲。做小娘兒的法兒儘有。只是子弟們見棄。但來的要帶五斤生姜。〔老旦〕帶這些生姜何用。〔丑〕看了我這嘴臉。那個不惡心翻胃。呀。媽媽拜了。叫孩兒怎的。〔老旦〕丫頭。自從你倒包到我家。鬼也接不着一個。銀子也掙不來一釐。你這嘴臉。在這裏也怪你不得。只是你姐姐不肯接人。卻是沒法。你我門戶人家。河裏沒船。岸上沒田。開了一扇門兒。那一件不要。有粉頭又不肯接人。卻不是冤家。今叫你出來。別無說話。只是要你勸你姐姐一勸。須是甜言美語。見景生情。不可氣惱了他。說得轉時。你也少打幾頓。卻不是好。〔丑〕媽媽你放心。我人兒不像樣。到是個雕花匠。只消三言兩句。說得他拱手伏降。今夜就接幾個孤老。〔老旦〕這丫頭胡說。一個人怎麼接幾個。〔丑〕媽媽。你欠聰明。一個打釘。一個歇客。藏一個在媽媽房裏偷。卻不是三個。再有我一個。你也替一個。大家都好。〔老旦〕丫頭不要胡說。王四娘家梳籠他。

小七姐。我去喫筵席。你小心在意。眼望旌捷旗。耳聽好消息。〔丑〕媽媽。得他心肯日。是你運通時。

〔老旦〕廬下丑叫科。姐姐有請。

〔祝英臺近〕〔旦上〕綠窗寒。清露冷。白苧知秋早。看蕭蕭葉墮。梧桐老。那更雁度

江樓。蛩吟庭砌。攪亂我愁人懷抱。〔菩薩蠻〕平林漠漠烟如織。寒山一帶傷心碧。暝色入高

樓。有人樓上愁。欄杆空佇立。宿鳥歸飛急。歸字是何年。終朝幽恨牽。奴家梁氏。小字紅玉。父亡母在。

占籍教坊。東京人也。誰憐身世漂蓬。每漬素綃有泪。自恨烟花墮落。欲憑紅葉無媒。但見重重舊恨

斜陽外。隱隱新愁細雨中。適聞賽多嬌請我。不知甚事。〔丑〕姐姐。你終朝情懷鬱。愁緒縈。想是怨角

枕孤單。恨秋宵寂寞。若是神女有情來楚岫。不愁襄王無夢到陽臺。拈花弄柳。須惜年芳。蹙翠垂紅。

莫教自苦。〔旦〕賽多嬌。你說那裏話。聽我道來。

〔祝英臺〕墮烟花心自苦。幽恨幾時消。〔丑〕姐姐。你繡錦滿身。珍羞適口。那些兒不遂你

心。還要怨恨。〔旦〕謾話綺羅。休說珍羞。端不趁儂心苗。〔丑〕姐姐。你如今心裏卻待要

怎的。〔旦〕須教早從良裙布荆釵。未許迎姦輸笑。這身軀怎肯隨人顛倒。〔丑〕